



新編漢唐通鑑品藻卷之一

屏石戴璟著

周威烈王之周顯王

立三晉爲諸侯

政者君之所以藏身也是故夫政必本於天殺以降命夫天命有德天討有罪人君所以制御臣民之大政也豈可以當討之賊而有不虞之賞耶按周制大司馬九伐之法諸侯而有賊殺其親則正之放弑其君則殘之故以經邦國則有治典以平邦國則有政典以詰邦國則有刑典此聖王所以立天下萬世之大防也周德下衰諸侯放恣孔子作春秋憊憊正名分立紀綱如桓公三年書天王使宰渠伯糾來聘以桓公弑君之賊聘非



東京大學  
東洋文化研究所所藏  
漢籍善本全文影像資料庫

書名 新編漢唐通鑑品藻殘十五卷 嘉靖十七年序西安府刊本  
撰者 明 戴璟 撰  
卷 卷首  
內容分類 史-史鈔  
索書號 大木-史部-史鈔類-1  
編號 B4360900

[彩色首頁1](#)

[東洋文化研究所漢籍目錄](#) 編號: B4360900

[東洋文化研究所漢籍目錄所藏漢籍善本全文影像資料庫](#) 索書號: 大木-史部-史鈔類-1

[漢籍善本全文影像資料庫](#) 文本 [新編漢唐通鑑品藻殘十五卷](#) 嘉靖十七年序西安府刊本

版權所有: [東京大學](#) [東洋文化研究所](#)

[使用上的注意事項](#)

0 1 2 3 4 5 6 7 8 9 10





諸史品藻序

或曰諸史品藻者屏石先生史學之華也對霍子曰汝知其實乎夫經以道法勝萬化之源也史以事辭勝一本之散也二者相爲表裏者也考經以史則聖賢之訓戒有所徵驗而不托之空言求史以經則歷代之失得有所折衷而非出于私見逐養深而義理明搜索精而



事變達體用之學在是矣若岐而二之  
則道乖于用事失其真內外支離體用  
杆格學斯弊焉蘇子曰經不得史無以  
證其褒貶史不得經無以酌其輕重亦  
知言哉屏石先生以英偉奇特之才方  
其未遇苦心竭力讀盡古書而其攷究  
思繹尤旁通貫徹會經以史準史以經  
渾化合一然後摘史事綱發以傑斷隨

事品藻一皆一根據六經錯綜百家而彰  
善癉惡崇正黜邪發前人之未發者尤  
凜凜然見于詞鋒筆勢之表佐佑名教  
夾輔聖賢吾直可以史華知耶于此足  
覘先生之所養而風裁氣節所至赫赫  
有聲者皆見于物也然是書盛傳于江之  
左右而北方之士或罕見之今先生大  
巡全陝手攜一帙出以示于予覽而嘆

曰先生之道復西矣遂請鏡梓以廣其傳而嘉惠後學之盛心亦不遑多辭也既成謂予有首倡之僭不可默默故復推本而言之

嘉靖十七年戊戌孟夏望日

欽差巡按陝西一監察御史洪洞對霍山人

李復初書

通鑑品藻題辭

史之有斷昉於春秋春秋之功禹績與  
儔獲麟而來史繁如星其維綱目差存  
典刑春秋聖經綱目良史在後之夢誰  
諳遵軌嗟嗟茲軌在書乎而旣明吾心  
書乃在茲在茲維何心爲權衡物之不  
齊舉知重輕抑又維何有度允臧物來  
揆之孰欺短長抑又維何鑑無埃塵麗

物維錯妍媸孔真明心維何學博擇精  
苟有遺力未融曷明博擇既至窮理斯  
畢已或未克同雲掩日明且無私如席  
穹堂以臨稠人人孰道藏於千萬年何  
賢不集余乃席堂臨亦孔坡誰操青萍  
卽庖解牯肯祭或涉鋒適自傷君子有  
述固殫智仁言忱有稽智仁可隣屏石  
戴子侍御有道湛史著書命曰品藻始

周威烈迄五代終義祖春秋綱目是宗

宗祖維何敦厥典常褒善貶惡或畧或  
詳道貴純王德尚真儒其或未至備責  
有模或幽而闡或顯而微必質全史以  
決是非或美而刺或矜而容園檀有穀  
石錯可庸聖經吾律群籍交徵衆證成  
獄予何愛憎是謂品藻辭分寒暄視諸  
先哲多所未言侍御名璟字曰孟光政



宵厥筆直哉激揚其爲是書密藏于笥  
西安郡齋梓傳多士多士溫尋貴乎知  
新新苟未知是亦陳人

賜進士中大夫光祿寺卿馬理題

刻漢唐通鑑品藻序

通鑑品藻者監察御史屏石戴公之所  
著也公按涖關陝携以自隨對霍李公  
亦以監察御史按涖于茲聞而索焉公  
不容秘出以相示對霍公見之而曰斯  
集也往古之斷案後學之指南也于是  
案行藩司下西安府刻梓以傳以九思  
爲之序九思辛獲睹斯集矣爲之撫卷

歎息曰嗟乎史豈易言哉史豈易言哉  
立于千百世之下而析其是非于千百  
世之上自非淹貫六經博極羣籍洞鑿  
千古其孰能與於斯也公之爲斯集也  
摘其要者大者綱常修壞之端國家治  
亂之萌人才進退之幾君子小人心術  
之微窮探力索推見至隱有出於獨得  
之見者有往哲所嘗是論而未協于義

者斷之以六經參之以羣籍而品藻具  
焉明暢浩博蔚乎其文讀之灑然千古  
之一快也正人心裨治教盖有賴焉豈  
惟經生學子操觚染翰者之資也自公  
按泣于茲也九思盖嘗聞其政矣文科  
武舉激揚闔闔不中于道亦嘗因是  
覘公之邃于學也乃今獲睹斯集乃知  
公之果邃于學也公所著者尚有博物

策會並刻諸梓而六經會同藁亦將脫  
于是措之政則輔理之勲上匹古賢樹  
大名昭簡冊分內事也是故特書以竢  
乃若表揚至論嘉惠後學對霍公之樂  
善其又何可已也是故具書以告來者  
嘉靖戊戌春三月丁酉漢陂山人王九  
思序

新編漢唐通鑑品藻凡例

一史學之難尚矣分香賣履之奸非溫公不能知蜀  
漢嗣聖之統非晦翁不能定鯁生離群索居在四  
面牆壁中久矣而豈敢任品藻之責哉願夫士子  
讀史而為史家所欺則淫辭勝而公道晦吾儒其  
甘心乎此吾廣詢博采而為之著論云

一聖賢正道載在六經六經者格物窮理之標的也  
論史而不以六經為權衡其何以合至當歸一之  
說哉僕於舉業之暇竊著六經會同一書猶未脫  
藁故六經奧義雖懵然罔知而大旨亦居然可覩  
矣吾讀史固以史為案必以經為斷至於儒先議  
論有相發明則亦旁引雜證以盡其情要在令公

論而已君子勿以發拾見哂云

一此書悉以通鑑節要內摘其可為論策命題者乃發魏天之元學鸚鵡之辭節要所不載者弗贅所以便舉業也吾之立論必若猛將用兵傾其巢穴如酷吏治獄誅其黨與善無微而不錄惡無細而不搜蓋亦有擴先人所未發者云

一今之習舉業者獲觀通鑑節要固足用矣然節要撮其畧正史紀其詳今所傳兩漢書三國志兩晉書南北史隋唐書紀載浩繁幾汗牛馬然史學疑似之際不訂之正史其何以定是非哉今此書擬題本之節要而考事采之正史云

嘉靖十四年正月吉日寧郡末學屏石戴璟書

前編漢唐通鑑品藻卷之一

天師圖章

屏石戴璟著

周威烈王之周顯王

立三晉為諸侯

政者君之所以藏身也是故夫政必本於天殺以降命夫天命有德天討有罪人君所以制御臣民之大政也豈可以當討之賊而有不虞之賞耶按周制大司馬九伐之法諸侯而有賊殺其親則正之放弑其君則殘之故以經邦國則有治典以平邦國則有政典以詰邦國則有刑典此聖王所以立天下萬世之大防也周德下衰諸侯放恣孔子作春秋倦倦正名分立紀綱如桓公三年書天王使宰渠伯糾來聘以桓公弑君之賊聘非

